

INFORMACIJA
o kreditu Međunarodne asocijacije za razvoj (IDA) za realizaciju
Projekta energetska efikasnost

Tim za energetiku Svjetske banke u decembru 2012. godine sproveo je identifikacionu misiju za Projekt energetske efikasnosti (u daljem tekstu: Projekat), koji je obuhvaćen Strategijom partnerstva Svjetske banke za Bosnu i Hercegovinu (Country Partnership Strategy, CPS) za period od 2012. do 2015. godine. Vezano za navedeni Projekat, misija Svjetske banke je ostvarila značajan napredak u pripremanju Projekta, procjenjivanju elemenata projektnog dizajna i implementacije, te usaglasila aranžmane za implementaciju.

Vlada Federacije BiH je na svojoj 97. sjednici održanoj 22.01.2014. godine usvojila Zaključak broj: 94/2014, kojim je podržala inicijativu da se zaduženjem kod međunarodne asocijacije za razvoj, osiguraju sredstva za realizaciju Projekta u ukupnom iznosu do 20.800.000,00 SDR (ekvivalent 31.600.000,00 USD) od čega se na Federaciju Bosne i Hercegovine odnosi 60%, odnosi 12.480.000,00 SDR (ekvivalent 18.950.000,00 USD).

U skladu sa usvojenim zaključkom Vlade FBiH, 27. i 28.01.2014. godine u Uredu Svjetske banke u Sarajevu, održani su pregovori o nacrtu Sporazuma o financiranju kao i drugoj pratećoj dokumentaciji, a kojim su prisustvovali predstavnici Svjetske banke, Ministarstva financija i trezora BiH, Federalnog ministarstva financija, Ministarstva finansija Republike Srpske, Federalnog ministarstva prostornog uređenja i Ministarstva prostornog uređenja, građevinarstva i ekologije Republike Srpske.

Federalno ministarstvo financija uputilo je Vladi Federacije BiH 11.02.2014. godine Prijedlog odluke o prihvatanju zaduženja po sporazumu o financiranju između Bosne i Hercegovine i Međunarodne asocijacije za razvoj (IDA) za realizaciju Projekta energetske efikasnosti. Vlada Federacije Bosne i Hercegovine, na 109. sjednici održanoj 09.04.2014. godine, utvrdila i uputila Prijedlog odluke u Parlamentarnu proceduru.

Predstavnički dom Parlamenta F BiH na nastavku 31. redovne sjednice održane 09.07.2014. godine, donio je Odluku o prihvatanju zaduženja po Sporazumu o financiranju između Bosne i Hercegovine i Međunarodne asocijacije za razvoj (IDA) za realizaciju Projekta energetske efikasnosti.

Dana 10.07. 2014. godine Federalno ministarstvo financija zaprimilo je od Svjetske banke Dodatak zapisniku s pregovora, od 27. i 28.01.2014. godine, u kojem je tim Svjetske banke obavijestio delegaciju Bosne i Hercegovine da je IDA alokacija za BiH po mješovitim uvjetima (kamata od 1,25%) za fiskalnu godinu premašena i da će se SDR 2,6 miliona za Projekt morati osigurati po strožijim uslovima (kamata od 1,40%). Strane su usaglasile revidirani Sporazum o financiranju i Projektne sporazume u svrhu unošenja tih izmjena.

Federalno ministarstvo financija je 04.09.2014. godine uputilo Vladi Federacije dopis za povlačenje iz procedure Odluke o prihvatanju zaduženja po sporazumu o financiranju između Bosne i Hercegovine i Međunarodne asocijacije za razvoj (IDA) za realizaciju Projekta energetske efikasnosti i Vlada Federacije je 10.09.2014. godine istu povukla iz Parlamentarne procedure.

Federalno ministarstvo financija je uskladilo Odluku sa novim izmjenjenim uvjetima i dostavlja Vladi Federacije Bosne i Hercegovine na utvrđivanje i ponovno upućivanje u parlamentarnu proceduru.

Projekat se sastoji od tri komponente, i to:

Komponenta 1: Investicije u energetska efikasnost javnih objekata (procijenjeni troškovi 27,37 miliona US\$ IDA kredita, od čega 16,42 miliona US\$ za FBiH i 10,95 miliona US\$ za RS). Ova komponenta će pružiti podršku za investicije u energetska efikasnost (pod-projekti) u školama, bolnicama i kliničkim centrima. Može biti uključen i manji broj drugih javnih

objekata (npr. starački domovi, domovi za djecu, druge administrativne zgrade). Ova će komponenta financirati adaptaciju objekata u svrhu energetske efikasnosti, kao i u usluge tehničkih konsultacija u vezi s tim (npr. energetske preglede, glavni projekti, nadzor i primopredaja pod-projekta).

Komponenta 2: Podrška za izradu prilagodljivih mehanizama financiranja i izgradnju kapaciteta (procijenjeni troškovi 2,71 miliona US\$ IDA kredita, od čega 1,51 milion US\$ za FBiH i 1,2 miliona US\$ za RS). Ova komponenta će pružiti podršku za izradu održivih modela financiranja energetske efikasnosti u javnom sektoru, jačanje kapaciteta za implementaciju i pomoć na izgradnji svijesti javnosti o energetskej efikasnosti.

Komponenta 3: Upravljanje projektom (procijenjeni troškovi 1,92 miliona US\$ IDA kredita, od čega 1,27 miliona US\$ za FBiH i 0,65 miliona US\$ za RS). Ova će komponenta osigurati efektivno upravljanje projektom od strane PIU-a, putem financiranja dodatnih stručnjaka, obuke za osoblje PIU-a, i pokrivanja operativnih troškova.

Sredstva kredita odobravaju se Federaciji pod sljedećim uvjetima i rokovima:

a) Iznos od 10.920.000,00 SDR (ekvivalent 16.580.000,00 USD):

- rok otplate:.....25 godina
- grace period:.....5 godina
- maksimalna stopa troškova održavanja kredita:.....0,5% godišnje
- servisni troškovi:.....0,75% godišnje
- kamatna stopa:.....**1,25% godišnje**
- dospijeća:.....polugodišnja
- datumi plaćanja glavnice i kamata:.....15. februar i 15. august svake godine

b) Iznos od 1.560.000,00 SDR (ekvivalent 2.370.000,00 USD):

- rok otplate.....25 godina
- grace period:.....5 godina
- maksimalna stopa troškova održavanja kredita.....0,5% godišnje
- servisni troškovi:.....0,75% godišnje
- kamatna stopa.....**1,40% godišnje**
- dospijeća:.....polugodišnja
- datumi plaćanja glavnice i kamata:.....15. februar i 15. august svake godine

Očekivani efekti investicija projekta su:

- Sociološki - poboljšani uslovi rada i povećanje opšteg komfora u 30 adaptiranih objekata iz javnog sektora obrazovanja i zdravstva,
- Ekonomski - smanjenje potrošnje energije do 50% po objektu što ima direktne uticaje na uštede u budžetima, otplata investicije iz ušteta u roku od 5-8 godina, formiranje mehanizma održivog finansiranja budućih projekata, na primjer uspostavom revolving fonda,
- Okolišni - smanjenom potrošnjom energije i zamjenom energenata postiže se smanjenje emisije CO₂,
- Privredni - pokretanje građevinskog sektora u većim razmjerama kroz proizvodnju i prodaju građevinskih proizvoda i ugradnju istih,
- Statistički - formiranje energetske baze podataka javnih objekata iz sektora obrazovanja i zdravstva kao osnova za razvoj budućih akcionih planova i stategija,

- Edukativni - stvaranje pretpostavki za izradu projekata iz oblasti energetske efikasnosti u zgradarstvu sa ciljem privlačenja stranih investicija, i
- Podizanje svijesti javnosti o značaju i koristi projekata energetske efikasnosti u zgradarstvu.

Ministarstvo finansija i trezora Bosne i Hercegovine će koordinirati alokaciju kredita između RS (40%) i Federacije BiH (60%) od ukupnog iznosa kredita, a ista će putem Supsidijarnog sporazuma prenijeti na entitete.

Federacija BiH će putem Federalnog ministarstva finansija, a u cilju formiranja revolvig fonda dio sredstava u iznosu do 7.100.000,00 SDR (ekvivalent cca 10.780.000,00 USD), namijenjen za investicije u energetska efikasnost javnih objekata na kreditnoj osnovi prenijeti na krajnje korisnike (kanton, grad, općina), te sa istima zaključiti posebne Podugovore o kreditu u zavisnosti od njihove kreditne sposobnosti. Dio kredita u iznosu do 5.380.000,00 SDR (ekvivalent cca 8.170.000,00 USD) ostat će alociran na Federaciju BiH za finansiranje radove na objektima iz nadležnosti Federacije BiH odosno komponenti 1 i 2 naprijed navedenih u opisu Projekta.

U svrhu što kvalitetnije pripreme i realizacije Projekta, Rješenjem Vlade Federacije BiH formiran je Upravni odbor projekta u svrhu donošenja ključnih odluka za implementaciju Projekta uz osiguranje među-ministarske koordinacije, a u okviru Federalnog ministarstva prostornog uređenja Jedinica za implementaciju projekta-PIU, s ciljem kvalitetnije pripreme, koordinacije, upravljanja i implementacije projekta u Federaciji Bosne i Hercegovine.

U periodu implementacije Projekta, u budžetu Federacije nije potrebno osigurati dodatna finansijska sredstva za sufinansiranje Projekta.

Imajući u vidu navedeno, Vlada Federacije Bosne i Hercegovine je, na 133. sjednici održanoj 23.09.2014. godine, utvrdila Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta energetske efikasnosti.